



Socijaldemokratska partija Bosne i Hercegovine
Forum mladih SDP BiH

Socialdemocratic Party of Bosnia and Herzegovina
Youth Forum SDP B&H

DEKLARACIJA O PRAVIMA MLADIH

Adresa:

Alipašina 41
71000 Sarajevo
Bosna i Hercegovina

Kontakt:

Telefon/fax: +387 (0)33 563 915
E-mail: info@fomspd.ba
Web: www.fomspd.ba

podmladimo politiku!

Svjesni teške društvene, ekonomske i političke situacije u Bosni i Hercegovini, teškog položaja mladih, besperspektivnosti, svjesni situacije u kojoj 70% mladih ljudi želi da napusti BiH odlučni smo i prihvatamo izazov da zastupamo interese i prava mladih ljudi u Bosni i Hercegovini. Polazeći od osnovnih principa socijaldemokratije i Programa Forum mladih SDP BiH, a uzimajući u obzir i naš dosadašnji rad i borbu protiv jednoumlja i podjela, za bolji život i prosperitet mladih u Bosni i Hercegovini, bez obzira na njihovu vjersku, nacionalnu ili spolnu pripadnost Forum mladih SDP BiH na 3. Konvenciju, u Sarajevu, 11.12.2004.godine donosi

Deklaraciju o pravima mladih u Bosni i Hercegovini

LJUDSKA PRAVA

Svi Bosanci i Hercegovci jednaki su i ravnopravni građani Bosne i Hercegovine bez obzira na svoju vjeroispovijest, rasu, boju kože, političku, etničku ili nacionalnu pripadnost, kulturu, jezik, starost, seksualnu orijentaciju, psihički ili fizički invaliditet ili neku drugu pripadnost.

OBRAZOVANJE

Zalažemo se za znanje kao najviši imperativ. Želimo omogućiti svima iste mogućnosti i uslove za obrazovanje.

Hitno je potrebno u osnovnim i srednjim školama u potpunosti uvesti jedinstvene nastavne planovi i programe rada, neopterećene sadržajima vjerske, nacionalne, spolne ili bilo koje vrste diskriminacije.

Primjena Bolonjske deklaracije je jedini put za ostvarivanje kvalitetnijeg visokoškolskog obrazovanja.

Sistem visokog obrazovanja treba reformisati i prilagoditi evropskim i svjetskim standardima kako bi se diplome stečene u Bosni i Hercegovini priznavale na univerzitetima širom svijeta.

KULTURA

Zapuštenost domova kulture, muzeja, pozorišta, umjetničkih galerija, biblioteka je samo odraz brige društva za kulturni život. Smatramo da je ulaganje sredstava u obnovu ovih kulturnih centara i veća izdvajanja za kulturu od općeg interesa kao prvi korak na povratku izvorne kulture i stimulacije kulturnih radnika, nasuprot uvoznjoj kulturi.

Zalažemo se da kroz javne akcije, pritiskom na nosioce vlasti i predlaganjem novih zakonskih regulativa pomogne kulturnom razvoju naše zemlje. Treba se zalagati za preraspodjelu entitetskih i državnog budžeta u korist kulture.

VJERA I VJERSKO UVJERENJE

Svaki čovjek ima pravo na slobodu ispoljavanja vjerskog uvjerenja. Vjersko uvjerenje svakog čovjeka je njegova privatna stvar i niko nema pravo da ga primorava na izjašnjenje ili opredjeljenje.

Oštro se protivimo zloupotrebi vjere i vjerskih osjećanja pojedinca. Protivimo se svakom obliku instrumentalizacije vjere i vjerskih osjećanja od strane vjerskih institucija u propagiranju i podržavanju agresivnog, militantnog nacionalizma i šovinizma.

MEDIJI

Zalažemo za slobodu govora, pisanja i izvještavanja i za slobodne i nepristrasne medije nepodređene interesima pojedinca, grupa ili lobija.

SOCIJALNA POLITIKA

Smatramo da država i njene institucije trebaju voditi veću brigu o socijalno ugroženoj djeci i omladini, a posebno nezbrinutoj djeci u domovima, kroz planiranje sredstava u budžetima općina, kantona i države za besplatne školske udžbenike, dječji doplatak i sl.

Potrebno je snažno podržati i pomoći rad humanitarnih i nevladinih organizacija, koje se bave zaštitom djece i omladine.

ZAPOŠLJAVANJE

Zalažemo se za sistemsko kreiranje programa zapošljavanja omladine nakon završene srednje škole ili fakulteta, te olakšice za poslodavce koji zaposle mlade osobe bez radnog staža.

Inicirat ćemo izmjenu zakona koji regulišu radno-pravnu problematiku koja još uvijek za zapošljavanje postavlja uslov radno iskustvo na istim ili sličnim poslovima ili čak i radni staž od dvije godine u uvjetima kada 90 % mladih ljudi nakon rata nije imalo priliku da počne bilo šta raditi.

Smatramo da je potrebno zakonski regulisati volonterski radi, priznati ga i promovisati kao radno iskustvo koje je neophodno pri apliciranju za zaposlenje.

STAMBENA PROBLEMATIKA

Po uzoru na poticaj zapošljavanja zalažemo se za stimulisanje rješavanja stambenih problema mladih, tako što će vlade na svim nivoima staviti na raspolaganje određena finansijska sredstva, odgovarajućim bankama, u svrhu davanja stambenih kredita pod povoljnim, nekomercijalnim uslovima.

Inicirat ćemo osnivanje stalnog fonda, na nivou države, koji će stimulisati mlade koji žele riješiti stambeno pitanje.

VOJNA OBAVEZA I CIVILNO SLUŽENJE VOJNOG ROKA

Zalaže se za ukidanje obaveznog služenja vojnog roka. Istovremeno nikom ne osporavamo pravo da služi vojni rok, ukoliko izrazi želju za to. Međutim, svi oni koji ne žele služiti vojni rok ne smiju biti zakonom primorani na to.

Podržavamo mogućnosti izbora civilnog služenja vojnog roka.

Pravo na prigovor savjesti je jedno od osnovnih ljudskih prava i najčešće se vezuje za pravo na slobodu mišljenja, savjesti i vjerskih opredjeljenja, te kao takvo zaslužuje veću pažnju kao i veću primjenu u praksi što do sada nije bio slučaj.

SPORT

Vodeći se parolom "U zdravom tijelu zdrav duh" smatramo da je potrebno veću pažnju posvetiti amaterskom sportu koji bi služio izgradnji mladih sportista, koji jednog dana trebaju predstavljati boje svoje zemlje.

Sportska kultura u osnovnim i srednjim školama, kao i na fakultetima često je bila na margini. Iz pomenutih razloga smatramo da bi predstojeća reforma obrazovanja trebala tretirati i ovaj segment. Mlade treba usmjeriti da se bave sportom umjesto da budu prepušteni ulici i porocima narkomanije i alkoholizma.

EKOLOGIJA

Razvijanje ekološke svijesti kod mladih smatramo preduslovom aktivnijeg bavljenja ekologijom u budućnosti. Živjeti u zdravoj i nezagađenoj sredini jedno je od osnovnih ljudskih prava.

Eksploatacija prirodnih bogatstava Bosne i Hercegovine mora biti stavljena pod jaču kontrolu jer direktno ugrožava prirodnu sredinu.

Posebnu pažnju treba posvetiti zaštiti vodotokova koji su usljed nemara ljudi i države postali deponije najrazličitijeg otpada. Rijeke su simboli Bosne i Hercegovine, a prije rata BiH je imala najveće riječne potencijale, kao i najveći kvalitet vode. Smatramo da se hitno trebaju poduzeti koraci koji će sanirati štete nastale nemarom proteklih godina.

POLITIKA I MLADI

Zalažemo se za aktivniji angažman mladih ljudi u omladinskim organizacijama, studentskim asocijacijama, nevladinim organizacijama i sl.

Naša obaveza je raditi na rješavanju generacijskog jaza i uspostavljanju aktivne uloge mladih ljudi u kreiranju i razvoju demokratskog društva u BiH, kroz pojedine segmente društva: politika, obrazovanje, kultura, sport, muzika..., te inicirati donošenja Zakona o mladima, Državni program za afirmaciju mladih u društvu i sl.

Zagovarati ćemo otvaranje omladinskih centara koji za cilj imaju socijalizaciju mladih u društvo, te sklanjanje sa ulice i od njenih negativnih uticaja (droga, besposličarenje, kriminal i dr.).

Forum mladih SDP BiH podržava sve organizacije, grupe ili pojedince čiji su ciljevi slični ili identični sa stavovima i ciljevima Programa FOM SDP BiH, ove Deklaracije, kao i programskim odredbama SDP BiH.

Naš cilj je Bosna i Hercegovina, država svih Bosanaca i Hercegovaca, jednakopravnih, slobodnih u Evropskoj Uniji i svjetskim tokovima.

Bosna i Hercegovina zemlja visokih standarda, blagostanja i perspektivnosti za sve mlade Bosance i Hercegovce, aktivne sudionike i kreatore ekonomskih, političkih i društvenih tokova.